

明清十大家尺牘

508272
508286
一
五
無
函

吳穀人尺牘目錄

寄江澄里

寄馬輦舟

寄金棕亭二首

寄項秋子

答徐錢崖

答姚春漪

寄沈梅村

謝諸撫堂

答沈吉堂

寄李甯甫

寄張心圃

與陳伯恭

寄沈梅村

與若愚弟

謝周端木招飲

簡張心甫

寄那東甫

寄馬緯雲

與保九真

東奚錢生

與家蘇泉

寄尤水村

寄沈梅村

又寄沈梅村

寄翁鳳西

寄萬華亭

寄鄭仙吏

與徐惕庵

寄李甯甫

寄王若農

寄楊錦堂

寄張古愚

寄諸撫堂二首

寄王儕嶠

東張船山

寄桂未谷

寄黃小松

寄倪米樓

寄李寧園

寄張忍齋

寄曾賓谷

寄江耕野

寄張船山

東伊墨卿

寄那東甫

寄家山尊

寄沈梅村

寄那東甫

寄趙味辛

寄查小山

寄王蓮府

寄王惕甫

寄何硯農蘭士昆李

寄秦小峴

寄王惕甫

寄家松園

寄陳桂堂

寄孫寄圃

寄那東甫

寄尤水村

寄李松雲

答項秋子

答沈小棠

寄翁鳳西

寄顧涑園

寄寧瀛海

寄孫寄圃

寄沈鑑湘

寄翁鳳西

寄家松圃

寄嚴少峯

寄戴可亭

寄陳古華

寄項秋子

寄李味莊

寄那東甫

又簡李味莊

簡張古愚

寄王偉人師

寄汪東序

寄陳伯恭

寄李味莊

寄朱春泉

謝嚴少峯

寄黃左田

寄諸撫堂

寄張古愚

寄李味莊

寄蔣伯玉

寄趙味辛

寄查小山

寄李味莊

寄沈小棠

寄張船山

答陳桂生

寄何蘭士

寄朱縵園

寄沈梅村

寄汪遲雲

寄張船山

寄張古愚

寄程也園

答史虛谷

寄史虛谷

答尤水村

寄程也園

寄鄒論園

寄屠琴瑤

寄章桐門

寄徐山民

簡嚴少峯

寄許畫山

寄徐安蔬師

寄江吟香

寄尤水村

寄湯雲亭

寄李仙澤

寄慶蕉園

寄查小山

簡家山尊

答沈司馬

寄梁山舟

寄章桐門

寄朱意田

寄查小山

寄保九春

寄王春崖

寄方茶山

寄廣省堂

寄改七鄰

寄張古愚

寄蔣礪堂

寄王春崖

寄萬浣筠

寄曾賓谷

寄項秋子

寄伊墨卿

寄張船山

寄孫淵如

寄龔闇齋

寄張芑堂

寄五弟

寄尤水村

寄七弟

寄梁山舟

寄那東甫

再寄那東甫

壽沈梅村

寄陳笠帆

寄孫淵如

寄屠琴塢

寄百菊溪

寄王錢甫

寄伊墨卿

寄胡果泉

寄嚴少峯

寄李松雲

再寄李松雲

寄王師竹

寄魏春松

寄查小山

寄徐山民

寄阮雲臺

寄家杜村

寄李松雲

寄家松圃

寄洪石農

寄楊邁公

寄沈梅村

寄黎湛溪

寄秦小峴

寄嚴少峯

寄李松雲

寄張仲雅

復趙味辛

寄黃左田

寄諸撫堂

寄繼蓮龕

寄韓筠舫

寄曾賓谷

寄趙渠臣

寄鄒論園

寄盧南石

寄榮琴柯

寄蔣礪堂

寄張古愚

寄諸撫堂

寄汪春田

寄翁覃溪

寄黃左田

寄曹中堂

寄那東甫

寄顧南雅

寄張水涯

寄廖復堂

寄曹定軒

寄查小山

答徐斗垣

寄曾賓谷

簡江石生

寄繼述之

答顧星橋

寄章桐門

與何硯農

寄那東甫

寄唐陶山

寄蔣中丞

寄錢裴山

寄沈梅村

與品蓮上人

簡蔡松門

寄曾賓谷

寄范支嚴

答沈世兄

寄顏衡齋

寄程也園

寄阮芸臺

吳穀人尺牘

與江橙里

僕最喜玉屏詞。謂其取味綿繻。多得之羈旅行役間。今其人已歸道山。詞稿聞在先生處。以此追步屯田。洵不可沒之作。曾約二三同人。合為付梓。鱗便望即覓寄。他日傳唱及之。庶幾殘月曉風。如見其人也。

與馬葦舟

三次趨候。總未得晤。弟今日下園。大約在月初方得出城。然訥旃故後承曹劍亭前輩允其知會同鄉。酌為資助。但日來廚無粒米。囊澀一錢。八口之家。嗷嗷待哺。穿孔之衣。折足之床。所值幾何。而能供日食之給乎。現在所負屋租。不下數十千。而產主日催出屋。以一盲婦人提携四五碎男雛女。張張何之。其不至斃於道旁者。有幾。長安米貴。避債無臺。弟之近狀。勢不能從井救人。然覩此淒涼之狀。實有不堪。輒念訥旃詩酒縱情。不過不事生計。隨有隨擲。乃文人之厄。一至於此。跡其交游。何止數百輩。至蓋棺一日。臨哭者誰。吁其傷矣。此惟吾兄達諸劍亭。須得函致同鄉。早為料理。不特死者固為啣結。即生者亦如疲極之眾。一入化城。便生安穩想也。

與金棕亭

別後於七月中旬抵京。西風健人。布帆無恙。想先生領袖羣雅。為虹橋風月主人。迨將廿載。亦不可謂不樂。閱邸報。知新轉國子。先生不日進都。軟紅香土中。且來嘗此風味何如。

又

城東地僻。無冠蓋往來。有先生作鄰。可謂德不孤矣。昨宵之會。王竹所尤詞人之不易得者。談諧既勝。飲興尤豪。歸途寒月欲斜。遠望天街。微見上元燈火而已。此種光景。猶可戀戀。詞既脫稿。錄正。希并與竹所觀之。

與項秋子

得手書。知天上石麟。已知彩雲一片。飛墜君家矣。想接武而起者。尚未有父肯堂肯構。不患無人。特患弄麈書笑。破阿翁口耳。專作謹依韻奉和。他日返里。顧乃郎頭角。凜凜尚須償我湯餅債也。堂上二老人。想益康健。含飴弄孫。樂何如之。郵便奉賀。望恕草草。

答徐鐵崖

使車所到。舊時桃李。重入春風矣。然柯亭竹笛。爨下桐材。朝廷所藉。吾輩成就人才者。原不在一科一歲。僅取充額百數人而已。其中鵬鵬變化。皆將於此乎始之。惟能振發真才。斯為貴耳。足下兩番持節。光顯二親。固所深羨。尤羨者。安徽去家門。僅一衣帶水。片帆迎養。不過十日。黃山白嶽。皆足為老人娛。每衡文餘暇。錦衣稱觴。如在鄉里。此固天生福分。其所宜報答國家者。更何如耶。西風漸寒。弟一切綿衣。皆在質庫。尚希餘潤。一甦困鱗。雖事類發索。終望無虛。未請云。

答姚春漪

讀手教含英咀華。爛然五色。比郭翰所說為無縫天衣也。委作東臯草堂記。高情盛德。深愧言之不文。然忝附琴臺。敢不黽勉。從事書屋蓮峯。聞文戰小稱得意。將來選拔一途。未識得邀位置否。足下湖山跌宕。著作等身。可喜可羨。若僕者。僅有一縷饑腸。日迴轉於雪虐風饕內也。

與沈梅村

去歲自熱河歸。一路風殭雪卧。奇冷異常。幸公事早完。得以抽身書局。不致羈留度歲耳。此時春光送暖。想種花妙手。重換東風。自然壓倒河陽矣。昨日接家書。因家君之命。欲與品兒完姻。又急得蟹兒爬窠。然後婚嫁事接踵而來。此纏是開章第一義耳。向平之累。如何如何。

謝諸撫堂

使來。收到惠銀三十兩。謹謝。生無食肉相。不能從貴人游。惟酒泉郡時。紫竊寐耳。今得此。又足了數月麴蘖事矣。快何如之。

答沈吉堂

九日得手書。一紙清風。宛然佩萸殭菊也。遙想雙江渡口。五馬新臨。官舍甘棠。早添色澤。曷勝艷企。弟青氈一片。遠志久消。乞養還南。而田無一畝。上不足以供菽水。而下之婚嫁之事。紛至沓來。不得已。又留住先生一隻腿矣。聞寶春即日起程。想歡聚銜齋。自然得意。亦念鰥鰥魚目。有京華一故人否。

寄李寧甫

榮旌滿發。未獲趨送。承以車驛留惠。弟長安道上。久作托鉢僧。老於行脚。乃忽得此濟勝興。竟令雙足登仙矣。謝謝毘陵風土。勝於江南。吾兄以理煩治劇之才。一麾出守。即可為報効地。若吾輩青檀一片。朝夕支吾。亦復何時了局。擬今冬為乞歸計。但於左近間。作村夫子以課蒙童。養親終老。即所願也。

與張心園

雪天酒地。意興飛騰。夢寐間無刻忘。隻雞近局也。自來真州。人事罕接。四圍皆麥畦菜隴。惟新綠大有可觀。當行觴獨酌時。惜不得諸君子來。照得鬚眉都換耳。舍弟聞有事旋里。想荷香柳影間。又有一場轟醉矣。八九月間。弟必返權。再圖良會。

寄陳伯恭

芝田鶴化於揚州。同年中又弱一個。想當同此淒惋。

寄沈梅村

歸里以後。況味若何。西溪之約。可能踐否。弟遂初易賦。貧病難療。殘年尚借此為避債臺。亦復何樂。

與若愚弟

六月中從真州歸。得吾弟所寄書。知起居安適為慰。俗務縈吾弟。以事牽累。遠道從軍。令人不堪回首。況高堂垂白。淚眼難乾。宜吾弟人子之心。尤不能不悞。伊終日也。然秋闈在邇。專望捷書。

庶可慰老人暮景耳。愚在真州年半以來。雖脩脯稍豐。而窘態愈出。皆緣婚嫁之累。是以前逋未了。後債又来。正不知何日得跳出此煩惱世界。東甫承明出。入奏賦矢詩。自然得意。晤時須為道此苦衷。倘目前家事稍可清釐。即當籌劃買山錢。以為寔窳之計。從此不復以猪肝累人矣。

謝周瑞木招飲

終日醉鄉。甚於水厄。厥占在困之二爻矣。如必欲決一雌雄。請以詰朝相見。

簡張心甫

枕上聞鳥聲。關關披衣起。盥日色已上紙窗。望寶石諸山。軒豁呈露。笑黛宛然。足下能同一游乎。已買蜻蛉以待。

寄那東甫

聞足下替毫禁地。扈蹕熱河。雍容揄揚。足以潤飾鴻業。而僕則窮岩跼伏。遠隔觚稜。回憶前塵。不禁玉堂天上之感。

寄馬緯雲

得來牘。知省垣酬應賢者多勞。然得月樓臺。固非尋常可比。惟望獲一栽花地。坐主陽春。即見東風手段也。

與保九真

春間一玉藉尊紀綱帶歸諒經鑒入古未儒林循吏原非兩途足下讀書讀律以文章飾吏治一切民間疾苦果能洞其陰陽支節而轉移之以求合於儒者之治豈不甚善僕歸田三載官意都忘芟製荷衣已將終老茲逢國家鉅典巖處歡騰二老人敦迫治裝最以及時努力或得便經貴治一聽弦歌之聲固所願也

東奚鐵生

舟抵荻港蘆風蕭蕭四無行人漁子擊小舟而出遙赴夕陽中欸乃一聲山水綠此時此景得足下以倪黃小筆寫之便可千古奉到青藤一枝伏聽驅使

與家蘇泉

解維後一路殘暑甚熾抱疴旬餘至今纔得痊可而淒風苦雨已作秋寒天道炎涼倏焉變易可知人事亦如是而已吾兄所辦鹽務比中變幻真有翻雲覆雨光景正恐閱歷愈深則愈難措手耳莊子一部奉繯韜史提要弟因行笈中未便攜帶諸史欲以此為饒貧之糧嗇生尚有徐霞客游記一部亦將藉代卧游竟思乾沒晤時可為致之

與允水村

吟香聯姻之事已稟知二老人極為欣悅特令小价來滇以踐前約但寒士舉止貽笑大方恐水人亦為齒冷耳

寄沈梅村

昨過淮陰。見纍纍皆乞食人。亦誰知哀王孫而進食者。因念韓侯飄泊時。亦同此落落耳。崔嵬復崔嵬。徒見隱隱雲際。千古有釣臺。當日何曾有釣臺哉。

又

東北之荒極矣。麥價至數十錢一斗。草根木皮俱皆食盡。小兒女乞賣與人。莫有一顧者。餓死者日凡數百人。村僻間至人相食。地方官束手無策。如何如何。

寄翁鳳西

去臘來都。極承寵貺。嗣聞抱安仁之戚。未得面申慰問。歉何如之。想斷竹續竹以來。夢桂徵蘭。又將牟尼入抱矣。萬里雲山。所難者一通襟曲。惟願屏風名字。早荷恩光。得以近擢一邦。庶不致魚雁告勞。有稽問答耳。壑岩來滇。曾囑其晤時。一述近狀。長安落拓。乞米為難。良友聞之。當同菀結也。遠道加餐。餘無他囑。

寄萬華亭

廿年知己。八載相思。每憶行李告期。招提話別。猶令人眷眷於懷也。聞抵任後。官衙清肅。案牘亦稀。荔實榕陰。可想見晝日垂簾光景。佳哉吏乎。定勝於故紙堆中作生活矣。弟假歸三載。復作出山之雲。及再到長安。居猶不易。西風落葉。詩酒斟酌。惟日效揚子雲呼貧而語而已。雅堂近狀。亦復落寞異常。劍潭之窮。猶與弟並驅中原也。茲因遠山試差來南。藉以苦語奉獻。

寄鄭仙吏

至好弟兄。別逾十載。停雲落月。引領為勞。弟於昨歲還京。聞吾兄報最有期。計可來此作一月。敘不意歲籥忽更。至今不得一覩顏色。豈關河修阻。行李孔艱耶。合并究在何時。望切望切。弟南歸數載。復被饑驅。不得已仍返長安。塵土飄蕭。又將五月。每遇令弟二兄。道及尊府食貧之況。頗似我家。度吾兩人懷抱間。亦同此渺渺耳。藉詞申意。不盡所云。

與徐惕菴

久不接丰采。聞亢龍豪氣。更倍於前。政績循聲。一時並著。方知讀書人作用。原是不同。正不徒擁高蓋如秋荷而已。弟自庚戌假歸。計不復作出山雲。無如饑來逼人。強顏而笑。遂於去冬重入春明。且便擬為泰山之游。願得於巖色中與賢主人痛飲三日。而天寒歲晚。催趲行程。竟至良友與名山兩俱辜負。未免悵悵耳。

寄李甯園

西風判襖。鷓鴣將周。翹企南雲。實勞饑渴。猶憶中秋兩度。多在吳淞。非關山水有緣。正因仰止清光。亦如明月。故不覺褰裳就之耳。歸後卽摒擋還京。於廣陵舟次。曾有一函并滄州垂釣圖。令舍弟轉寄。定蒙鑒入。五月間。墨莊檢討至。讀止堂先生所和四客詞。想見賢主之風流。并寓公之藻采。直挈吾輩俱作天上人矣。并稔閣下卽日報最入京。急圖良晤。已約廉園伯恭諸君作平原十日飲。嗣聞調守吳郡。須於冬間乃來。三秋之思。不無耿耿。然姑蘇勝地。得賢太守。主持其間。想風雅更為可羨耳。

寄王若農

前歲曾以一函奉簡。今又三載矣。乞假以來。馳驅南北。魚雁都忘。竟未卜起居何似。比聞借補思田巡司。槃槃大才。屈於小試。抱關擊柝。辭尊居卑。適合為貧而仕之義。將來如臨邑之簿。臨海之丞。溧陽之尉。於風雅中。並樹一幟。豈不千古。而況龍江雞嶼。山水清奇。以足下嘯傲其間。天固未嘗薄待人也。弟自前歲還京。日在軟紅塵土內。栗廩不休。深望驛馬星到宮。使得與名山大川互相酬酢。無如山靈竟下。遂客令。不許覲面煙霞。反負卻故山多少猿鶴。懊悵何如。現在窮不可支。幸詩尚未工。或希冀高陽子。尚有悔禍時。未可知耳。紙短言長。聊資溫噤。不宣。

寄楊錦堂

去歲一函奉候。未知曾達左右否。比來起居何似。五千里蜀道。水複山重。夢都難到。無怪乎魚雁杳然也。聞近作小小經紀。又累在錢荒。動多虧折。施公所負之項。雖其人已自成所歸。而官職未能驟復。若望其外任。猶屬無期。恐此羽化之銀杯。亦徒費零丁帖子也。僕之況味。惟日在酸苦中煎熬。欲望回甘。竟不可得。家中人口漸次增多。屋宇幾乎塞破。令姊光景。亦日形衰憊。而仰事俯育。朝朝總須作無米之炊。漢祿入無幾。卽此間尚不足以支吾。每家中告急書來。輒進退不怡者累日。算來諸事都無省法。惟勸其省些煩惱而已。

寄張古愚

判袂以來。已將兩載。疏麻未折。相思特深。茲又金涼節告矣。伏惟攝衛自宜。為頌。筠州康樂故